

Sam Nyied Sam Cazcise Gawjbanh Gvangjsih Gaiq Daihroek Sij Faenzcieng Sawcuengh Beizyinbanh

三月三杂志社举办广西第六届壮文写作培训班

8 nyied 4 hauh banhaet, Gvangjsih Gaiq Daihroek Sawcuengh Sejcoz Beizyinbanh youz Gvangjsih Sam Nyied Sam Cazcise gawjbanh haenx youq Nanzningz haiban. Swcigih Minzyijvej fucujyin Yangz Gijbyauh camgya aen haiban yizsi caeuq hwnj le haiban dangz goq daih'it. Sawcuengh sejcoz beizyinbanh yozyenz daj daengx gih gak hangz gak nieb daeuj haenx caeuq Gvangjsih Sam Nyied Sam Cazcise daengxcungq cizgungh gungh 50 lai boub dingq le baez dangz neix.

Yangz Gijbyauh hwnj dangz goq daezmoeg heuhguh "laj cangzdai moq, Gvangjsih hong minzyij caeuq hong minzcuz doxyiengq bae guh", doiq dangjcunghyangh, gozvuyen 《Aen Yigen Gven-daengz Hingzseiq Moq Lajde Gyagiengz Caeuq Gaijcaenh Hong Minzcuz》 daj giz sang nyinhrox bae guh, giethab gih raeuz hong minzcuz saedsaeh, daj sam fuengmienh gangj le seiz hingzseiq moq baenzlawz guh ndei hong minzcuz caeuq hong minzyij. Gangj daengz gij vwndiz baenzlawz yungh ndei Gvangjsih saw vah minzcuz, Yangz Gijbyauh giengzdiuh, aeu lai doxrox, lai baujhoh; ra cinj fuengyiengq, hab seiz bae guh; habrengz haenqguh,



▲Yozyenz nyinhcaen dingqgangj.

aeu miz cingzcik. Doeklaeng, Yangz Gijbyauh gujli yozyenz gaenxgoemx sij faenzcieng, lailai douzgauj, insik baez beizyin neix, roengzrengz hagsib, ciengjaeu baenz boub cozyah Sawcuengh maenh-ndei he.

Youq seiz haiban yizsi, Gvangjsih Sam Nyied Sam Cazcise secangj Veiz Vahyungz naeuz, baez



▲Beizyinbanh hwnjdangz yienhciegz.

beizyin neix dwg seiq ngoenz, iucingj ndaw gih rog gih Sawcuengh conghyah, Sawcuengh bauganh lauxhangz daeuj hwnjdangz, beizyin neiyungz fungfouq, baugvat Sawcuengh sij faenzcieng, sij faenzcieng gi'gyauj, fwen Sawcuengh cekgej daengj fuengmienh neix.

(Vangz Subingz/黄素萍)

Lozcwngz: Lwgnyez Mulaujcuw Hag Dennauj Mbouj Yungh Cienz

罗城：侬佬娃免费学电脑

8 nyied 4 hauh, Lozcwngz Mulaujcuw Swciyen gawjbanh siujhagseng banh 《Dennauj Siujbau》 beizyinban, aen beizyinbanh neix son cib ngoenz mbouj aeu cienz, fungfouq le hagseng aen sujgyaj neix vwnzva swnghhoz, daezsang siujhagseng gaemguenj dennauj, leihyungv vangiloz suijbingz caeuq guh vangjyez naengzlig.

(Veiz Yuzdai/韦如代)



▲Siujhagseng gag lienh.



▲Lauxsae son hagseng.

Dasinh: Cunch Siuj Hagseng Sujgyaj Hwng Hag Minzyoz

大新：中小学生暑假兴起民乐热



▲Gyoengq hagseng youq rog ciengz lienh gujcwngh caj gaujsi.

8 nyied 6 hauh, Cunchgoz Yinhyoz Yozyen conghyah bae daengz Dasinh Yen guh gujcwngh daengigaep gaujsi, gungh miz 70 lai boub hagseng camgya gaujsi.

Gaenh geij bi neix daeuj, aen yienh neix cunch siuj hagseng gyaaz hag gujcwngh, ngeihyienz daengj minzyoz, gij sing'yaem gujcwngh ndei dingq, yinx ndaej yied daeuj yied lai vunz haengigyaaz, daengx bi hagsib gujcwngh miz baenz 300 boub, sujgyaj geizgan miz saek cien boub hagseng bauqmingz hagsib.

(Cinz Civanj/覃志婉)

Gunghcwngz: Mbanjyauz Vwnzva Yinx Daeuj Haujlai Hekyouz

恭城：瑶乡文化吸引众多游客

Gaenh geij bi neix daeuj, Gunghcwngz Yauzcuz Swciyen gaenxgoemx guh ndei hong doiq rog senhconz, gij Yauzcuz bonjdieg vwnzva, swnghdai nungzyez, vanzging vunz youq Gunghcwngz yied daeuj yied yinx ndaej rog guek ndaw guek hekyouz lo, bineix gvaqdaej, gonqlaeng gaenq miz Meijgoz, Dwzgoz, Daigoz, Yeznanz daengj guekgya caeuq Daizvanh, Yanghgangj daengj dieg gak gyaiq vunz 2000 lai vunzbaez bae daengz Gunghcwngz yawjngonz youzcet. 8 nyied 4 hauh, aen yienh neix Mbanjhungzyenz youh miz 80 boub Daizvanh Vahlien Yen gaujcazdonz daeuj cunzyawj.

(Cauh Binjciuh/周品秋 Se Yinzlungz/谢云龙)



▲Hekyouz caennadang bae diuo fouxsaux.